

BOSNA I HERCEGOVINA  
FEDERACIJA BOSNE I HERCEGOVINE

**VLADA**

BOSNIA AND HERZEGOVINA  
FEDERATION OF BOSNIA AND HERZEGOVINA

**GOVERNMENT**

БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ

**ВЛАДА**

Broj: 03-04-374/24  
Sarajevo, 17.05.2024. godine

**PARLAMENT FEDERACIJE BOSNE I HERCEGOVINE**

**Zastupnički dom**

n/p gosp. Ivanu Miličeviću, tajniku

n/p gosp. Damiru Nikšiću, zastupniku ✓

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

| Primljeno: 20-05-2024 |        |         |            |
|-----------------------|--------|---------|------------|
| Org. jed.             | Broj   | Priloga | Vrijednost |
| 05/1                  | - 02 - | 138     | 129        |

Predmet: Odgovor na zastupničku inicijativu

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi sa člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br: 69/07, 2/08, 26/20 i 13/24), u priritku Vam dostavljam akt Federalnog ministarstva okoliša i turizma, broj: 05/2-19-5-347/24 od 13. svibnja 2024. godine, koji se odnosi na zastupničku inicijativu zastupnika Damira Nikšića.

S poštovanjem,



**TAJNIK VLADE**

dr. sci. Edita Kalajdžić

Privitak: kao u tekstu

Bosna i Hercegovina  
 Federacija Bosne i Hercegovine  
 FEDERALNO MINISTARSTVO  
 OKOLIŠA I TURIZMA

Federation of Bosnia and Herzegovina  
 FEDERAL MINISTRY OF  
 ENVIRONMENT AND TOURISM

Broj: 05/2-19-5-347/24  
 Sarajevo, 13.05.2024. godine

**BOSNA I HERCEGOVINA**  
**FEDERACIJA BOSNE I HERCEGOVINE**  
**Generalni sekretarijat Vlade Federacije BiH**  
**Hamdije Čemerlića 2**  
**71 000 Sarajevo**

BOSNA I HERCEGOVINA  
 FEDERACIJA BOSNE I HERCEGOVINE  
**V L A D A**  
 Sarajevo

|                        |                       |            |              |
|------------------------|-----------------------|------------|--------------|
| PRIMLJENO: 17.05.2024  |                       |            |              |
| Organizaciona jedinica | Klasifikaciona oznaka | Redni broj | Broj priloga |
| 03-04-374              |                       | /2024      |              |

**PREDMET:** Odgovor na zastupničku inicijativu, zastupnika Damira Nikšića, d o s t a v l j a .-

**VEZA:** Vaš akt broj: 03-04-374/24 od 17.04.2024. godine

Poštovani,

U prilogu akta, dostavljamo odgovor na zastupničku inicijativu zastupnika Damira Nikšića, kojim se traži reviziju okolišnih dozvola za kamenolome i eksploataciju šljunka i pijeska u rijekama.o stanju na lokacijama kamenoloma koji su prestali sa radom, a za koje je Federalno ministarstvo okoliša i turizma izdalo okolišne dozvole za rad.

S poštovanjem

PRILOG:

- Informacija Federalnog ministarstva okoliša i turizma



Dostaviti:  
 - Naslovu,  
 - a/a

Odgovor na zastupničku inicijativu zastupnika Damira Nikšića

U Federalnom ministarstvu okoliša i turizma zaprimljen je akt Generalnog sekretarijata Vlade Federacije Bosne i Hercegovine, u prilogu zastupnička inicijativa zastupnika Damira Nikšića, za hitnu reviziju okolišnih dozvola u Federaciji Bosne, naročito onih za kamenolome i eksploataciju šljunka i pijeska u rijekama, sa posebnim fokusom na dozvole koje je Federalno ministarstvo okoliša i turizma izdalo u poslednja dva mandata.

**Veoma je bitno istaknuti da Federalno ministarstvo okoliša i turizma ne daje (izdaje) dozvole za eksploataciju šljunka i pijeska u rijekama, niti takve odredbe postoje u Zakonu o zaštiti okoliša.**

**Federalno ministarstvo okoliša i turizma vrši procjenu uticaja na okoliš i u rješenju o okolinskoj dozvoli propisuje mjere zaštite okoliša i monitoring emisija u okoliš.**

Za vađenje materijala iz vodotoka Kantonalno tijelo uprave nadležno za poslove vodoprivrede izdaje vodoprivrednu suglasnost u skladu sa članom 44. Zakona o vodama („Službene novine Federacije BiH“ broj 70/06) koji glasi:

#### **Član 44.**

Ministarstvo izdaje vodoprivrednu suglasnost : 1. za gradnju nuklearnih elektrana i svih drugih objekata u čijem se tehnološkom procesu koriste radioaktivne tvari odnosno nastaju radioaktivne tvari; 2. za gradnju hidroelektrana, termoelektrana i toplana instalirane snage preko 30 MW; 3. za gradnju vodoprivrednih objekata za koje su investitori javna poduzeća za vodna područja; 4. za gradnju vodoprivrednih objekata iz članka 23. stavka 2. ovoga zakona; 5. za gradnju objekata za zaštitu voda kanalizacija i uređaja za pročišćavanje otpadnih voda, kao i kišne kanalizacije, iz članka 27. stavka 2. ovoga zakona za dvije ili za dvije ili više županija kantona; 6. za gradnju kanalizacija i uređaja za pročišćavanje otpadnih voda industrije koje se poslije pročišćavanja ispuštaju u međudržavne vode; 7. za gradnju naftovoda, plinovoda i drugih magistralnih cjevovoda koji prelaze granicu s drugom državom ili područje dvije ili više županija kantona; 8. za gradnju akumulacija na području Federacije i druge države, odnosno dvije ili više županija kantona; 9. za gradnju objekata za prevođenje voda iz međudržavnih vodotoka ili iz jednog u drugo vodno područje ili iz jednog glavnog sliva u drugi; 10. za gradnju zaštitnih vodoprivrednih objekata na međudržavnim vodotocima; 11. za gradnju hidromelioracijskih sustava za odvodnjavanje na međudržavnim vodotocima, odnosno koji se prostiru na području dvije ili više županija kantona; 12. za gradnju hidromelioracijskih sustava za navodnjavanje na međudržavnim vodotocima odnosno koji se prostiru na području dvije ili više županija kantona; 13. za gradnju ribnjaka koji koriste vodu između državnih vodotoka; 14. za vršenje geoloskih istraživanja uz međudržavne vodotoke; 15. za gradnju objekata za površinsku ili podzemnu eksploataciju mineralnih sirovina na području dvije ili više županija kantona, odnosno uz međudržavne vodotoke; 16. za gradnju objekata za odlaganje ili skladištenje čvrstih i tečnih otpadaka i jalovine i sanitarnih deponija; 17. za gradnju putova i željeznickih pruga koji prelaze granicu s drugom državom odnosno koji prelaze područje između dvije ili više županija kantona; 18. za gradnju mostova na međudržavnim vodotocima; 19. za gradnju plovnih putova na međudržavnim vodotocima; 20. za gradnju objekata na morskoj obali ili u obalnom

moru koji mogu utjecati na promjenu kakvoće voda obalnog mora; 21. za vađenje materijala iz međudržavnih vodotoka koji čine granicu s drugom državom koje može utjecati na opskrbu vodom za piće; 22. za vađenje materijala iz vodotoka koje vrše javna poduzeća za vodna područja za regulaciju vodotoka; 23. za gradnju gospodarskih i drugih objekata čije otpadne vode mogu utjecati na režim međudržavnih voda, odnosno vodni režim na području druge županije kantona.

**Kantonalno tijelo uprave nadležno za poslove vodoprivrede izdaje vodoprivrednu suglasnost:** 1. za gradnju hidroelektrana, termoelektrana i toplana instalirane snage do 30 MW, kao i drugih objekata koji koriste vodne snage; 2. za gradnju sustava za opskrbu vodom naselja iz clanka 23. stavka 1. ovoga zakona; 3. za gradnja kanalizacije i uređaja za pročišćavanje otpadnih voda, kao i kod kišne kanalizacije, iz clanka 27. stavka 1. ovoga zakona; 4. za gradnju kanalizacije i uređaja za pročišćavanje otpadnih voda industrije koje se poslije pročišćavanje ispuštaju u vodotoke koji ne spadaju u međudržavne vodotoke; 5. za gradnju naftovoda, plinovoda i drugih magistralnih cjevovoda koji ne prelaze područje županije kantona; 6. za gradnja akumulacija na području jedne županije kantona; 7. za gradnju objekata za prevodjenje voda u području županije kantona; 8. za gradnju hidromelioracijskih sustava za odvodnjavanje na vodotocima koji nisu međudržavni vodotoci na području županije kantona; 9. za gradnju hidromelioracijskih sustava za navodnjavanje koji ne koriste vode međudržavnih vodotoka na području županije kantona; 10. za gradnju ribnjaka koji ne koriste vodu među državnih vodotoka; 11. za vršenje geoloških istraživanja na području županije kantona; 12. za gradnju objekata za površinsku ili podzemnu eksploataciju mineralnih sirovina na području kantona; 13. za gradjenje putova, željeznickih pruga, mostova i plovnih putova na području županije kantona; **14. za vađenje materijala iz vodotoka;** 15. za gradnju gospodarskih i drugih objekata koji iskorištavaju vodu i koji mogu utjecati na pogoršanje vodnog rezima; 16. za gradnju turističkih naselja i kampova; 17. za gradnju gospodarskih i drugih objekata čije otpadne vode ne mogu utjecati na vodni režim na području druge županije kantona.

Izdavanje vodoprivredne saglasnosti regulirano je i odredbama čl-45., 46. i 47. istog zakona. -

Prema Pravilniku o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opšte vodne naknade i posebnih vodnih naknada ("Službene novine FBiH" broj 92/07) vrši se i plaćanje naknade za vađenje materijala iz vodotoka.

d) PVN za vađenje materijala iz vodotoka

16. Obveznik plaćanja PVN za vađenje materijala iz vodotoka je fizička i pravna osoba koja vrši eksploataciju materijala iz vodotoka.

**Na osnovu svega naprijed navedenog jasno je vidljivo koji organ/organi i organizacije imaju nadležnost da postupaju u slučaju izdavanje dozvole za vađenje materijala iz vodotoka, da provode nadzor nad samim procesom korištenja voda te propisuju mjere i sankcije u slučaju nepoštivanja zakona i podzakonskih akata. Takođe vrši nadzor nad provođenjem izrečenih mjera.**

**U pogledu drugog dijela zastupničke inicijative, a prema službenoj evidenciji Federalno ministarstvo je izdalo 66 okolinskih dozvola za eksploataciju mineralnih sirovina iz kamenoloma, od kojih su neke obnovljene dozvole, jer ovo ministarstvo izdaje okolinsku dozvolu na rok od pet godina, od dana prijema rješenja.**

**U zadnja dva mandata je izdato ukupno 46 okolinskih dozvola, za koje takođe vrijedi naprijed navedeno.**

**U vezi Inicijative za reviziju okolinskih dozvola izdatih za kamenolome, ista bi mogla biti provedena u skladu sa članom 94. Zakona o zaštiti okoliša („Službene novine Federacije BiH“, broj 15/21).**